

文
籍
頌
言



831695

六月冰壺暑氣清琴堂寂靜訟無聲方將卷帙親廉吏
豈意孟孟動別情桃李尙涵潘令澤雉桑空戀魯侯旌
臨歧不盡遲迴念猶望他年竹馬迎

馮

鎔號柳堂道光
甲午舉人

吐鳳才華夙擅名果然經濟屬儒生豈徒象魏懸文教
不惜牛刀試武城積習十年除弊政新猷三月肅官聲
廉能兩字人爭羨誰識冰心恥獨清

休徵家學重天倫孝悌相孚治易淳古里況餘張董跡

二孝子

新歌遙繼海沂民

晉史海沂之
康實賴王祥

行來泰岱一朝

雨留得慈湖千載春夾道遽聞呼父母可知舊俗未全

文溪頌言卷七

二

淪

詩壇

日下擅風流曾記壺園訪舊遊

公爲鎔座師徐
廉峯夫子詩友

一夜詞曹星偶動三春花縣景齊收尙看丰度閒調鶴
已有經綸卜問牛信是文章能報國驥才早歎士元

優

玉軫新調一曲揮輿情繾綣忍相違春偏有脚留難住
雲本無心出復歸此去祇餘風兩袖重來還冀寫雙飛
攀轅終是民私意霖雨應須徧九圻

沈資兌

字澤山
諸生

橐筆

楓宸軼衆才黃金聲價重燕臺爲霖願慰三年旱作宰
封分百里雷雉隴桑濃知日暖犴隄草長覺春回那堪
五月瓜期促惆悵慈湖暮色催

徐銘號菁士

飛來雙鳥豈無因早有清名動海濱一載赤城仙令尹
前署臨海十年青瑣舊詞臣儘聞雅量能涵物總是慈眉解
活人苛政忽除年忽熟熙熙永作太平民
肅肅單車入境初冰心一片玉壺如今時又見孫家棟
古治全摹陸稼書徧野桑陰來瑞雉中庭月影照懸魚
措施豈待張皇跡秀自揄揚莠自鋤

文溪頌言卷七

三

匆匆五月試新硯已有循猷可勒銘佞佛痛乖聞闕戒
禁婦女寺觀燒香憐才親授講帷經節崇竹操能矜寡辱示蒲
鞭爲恤刑若使三年觀政績定知草綠滿虛囹

政治時和俗漸移讀書讀律見權宜百年久歎無良宰
一變方期至道時令我歌傳來暮什爲公淚墮去思碑
東門祖餞聲盈路父老焚香萬姓隨

葉

銘號槐生公縣試錄取第一補諸生

仁風浹與續同溫案牘科條詎足論畧費齒牙都嚮化
縱經鞭撻亦知恩心清似水官方肅望重如山道藝尊
安得仙鳧留不去長教絃誦遍江村

條忽文旌又向歧攀轅士女涕垂垂政同賈令都稱父
人去黃州尙勒詩鬱鬱原無久居意殷殷頻問再來期
不須桃李誇親植徧地棠陰藉護持

附錄縣試後上邑侯王蘭圃夫子

焦桐椽竹仗知音珍重殊恩愧弗任但願識韓聞衆口
逢人說項見虛心一方金鏡能涵物百尺松枝易借陰
誰謂門墻高莫及春風座上許題襟

鍾立功 號茗畦

文章治術兩能通世澤庭槐想鬱蒸他日當爲天下宰
此才不愧故家風宅心玉潔兼冰皎理事衡平亦鑑空

文溪頌言卷七

四

樂只歌聲聞處處豈徒譽滿浙西東

一聲驪唱動新愁截鐙援鞭願未酬唐吏難回姚相駕
吳民莫挽鄧公舟折來垂柳情無限誦到甘棠涕欲流
不盡恩波都感被忍看旌旆去悠悠

馮汝震

字辰雨號小江議
叙布政司經歷

青緇舊學自堪誇循循吏醇儒本一家校士特先崇器識
課農勤與問桑麻數聲唳鶴清分俸三疊鳴琴靜放衙
我欲槐庭留美蔭天炎又促使君車

費

廩諸生

昔日蜚聲翰墨林爲酬物望理鳴琴花庭夜月心懸鏡

棧館春風士盍簪
訟息弟昆敦雁誼
歡呼父母靖鴉音
清清堂上清清治
化澤常沾湖水深
單車星夜赴慈谿
一路清風兩袖攜
下邑春深方駐馬
長亭日暮漫歌驪
循良未奏三年績
利弊猶傳冊韻題
回首上林多雨露
鳳凰肯戀一枝棲

費霖

來自清班仰盛名
兒童竹馬喜相迎
論文試院心心印
懸鏡虛堂面面呈
音革飛鴉稱善俗
風馴乳雉著賢聲
從知操割有餘刃
奚待三年德化成

文溪頌言卷七

五

香焚十里野雲多
空懷棠樹留圖畫
只恨荷風送珮珂
飛鳥幾時迴下邑
黔黎重喜沐恩波

應孟詒

字少萊

木天橐筆舊知名
飛鳥明州樹政聲
三月便教民物阜
一時咸頌宰官清
錢如入選還懸杖
車欲爭攀已載旌
此去武源歌父母
定應竹馬又相迎

馮本懷

號西卿道光
己亥舉人

玉京仙吏下琴裝
父老歡迎夾道旁
不獨文章追李杜
直將政績比龔黃
閒庭晝永垂簾幕
明月宵深滿印床
屈指及瓜時未久
濃陰徧已覆甘棠

江天遙指福星移，又是臨歧促別離。遺愛人皆呼衆母，
辦香我自奉名師。論文絳帳知何日，把酒青郊惜此時。
擬作攀轅留鐙計，斜陽影下立遲遲。

鄭炳章

百里何須建異勳，鳴琴但覺靜無紛。階深蘚印客誰至，
庭有花香吏亦聞。况是感孚由孝悌，早傳利弊問慇懃。
清懷猶恐人俱識，謳頌翻嗤俗尙文。

紳士獻德政詩侯謝曰公等固好爲

詩詞者耶某何德之有

葉之蕃

號柳堂諸生

治纔五月化何神，細草均沾雨露新。但聽調絃清似水，

文溪頌言卷七

六

始知懸鏡淨無塵，廣阿早著循良頌。句越今蒙撫字仁，
他日江東思白傅。大裘定覆普天民。

馮本修

字次歐諸生

蓬萊仙吏古醇儒，小試烹鮮蒞海隅。曾視黃麻登玉署，
更從赤縣握銅符。道堪繫馬魚生釜，泮自無鴉鳳集梧。
王佐家聲應不愧，何由遮道縮飛鳧。

王諤言

字亦昌號安山諸生

冰鑑虛堂乍照臨，勤修治譜肅官箴。從知吏有神明望，
能使人懷父母心。德政已刊行路口，清琴自寫放衙音。
武源又喜薰黃到，兩地民情孰淺深。

徐榮燮

號枝南諸生

詞垣橐筆羨才雄五月循聲徧浙東
澹泊居官惟飲水殷勤好士為觀風
蒲鞭聊以除稂莠木鐸還須振隳聾
正覺慈湖光景好柳絲那得繫花驄

朱錦

號蜀江

仁風拂草草俱披小試勾章德政施
清似冰壺通表裏明於金鏡見妍媸
恰看雉集初馴日可奈鶯遷欲去時
一道胥江遙望處朶雲縹緲總相思

鄭爾毅

字曾期諸生

前身閩苑本神仙展得經綸吏自賢
三月化行同驛速一庭清供有魚懸
昨緣濬距勞君駕今為超遷著祖鞭
遮道攀轅情曷已碑留欲並去思傳

文溪頌言卷七

七

俞循理

號復卿

名儒自昔抱才猷吏治循良得所由
化雨無聲剛欲徧陽春有脚竟難留
得隨虎觀心嘗寫勦唱驪歌志未酬
為問旌旗相送處依依悵望白蘋洲

秦珍

號樸伯

一雙鳧舄下勾章化媿清清舊政堂
日永蘭臺曾珥筆風和花縣共稱觴
問心朗向冰壺貯校士爭推玉尺量
郊外星輶留不住餘陰猶是戴甘棠

童祥鶴

生員

鳳凰池上幾經秋才大偏爲百里侯聽訟時遵嚴父訓
息爭屢代小民謀地方漸靜銷橫逆胥役無錢沒怨尤
堪笑慈谿人少福好官不得久勾留

毛詩傳

生員

分符畿甸舊詞臣早有循聲著海濱黍雨一朝霑孝水
桑陰百里徧陽春居躬正直面如鐵持操清廉釜欲塵
莫道下車時日暫途間已少拾遺人

五月方符報政期頻聞藉藉口傳碑雲中聽訟爭喘息
花裏論文教澤垂四野春風成樂土一湖秋水動離思

文溪頌言卷七

八

輿情無限難忘處細誦江干贈別詩

鄭元祁

廩生

陳草青時令尹來先聲赫赫奮如雷下車首重觀風典
讀法仍教化雨培邑有絃歌民不俗治銷犴猾吏俱才
方欣百物回生意陶柳潘花取次栽

借寇曾無半載經送劉忽又賦長亭良金寫狀誠何補
片石留題僅仰型此日揚帆慈水白他年擁節越山青
鄰封處處與遙慕一路清歌倚棹聽

王薪傳

號素問
生員

神父慈君早著名

屢宰鉅鹿
臨海諸邑

下車利弊最分明

以慈谿
利弊課

才長不鄙勾城小志潔還同谿水清半載郊原咸戴
德滿帆風月送行程攀轅此去留難住定覩錢江竹馬
迎

葉青梯

號次橋
生員

縮符數月洽輿情百里喧傳召杜名吏不舞文由雪亮
案無留牘仰風清擔簦士荷甄陶切臥轍民輸愛戴誠
直以文章博經濟使君故是玉堂英

政簡刑清早擅譽風聲先播下車初輕裝只許羣兒導
孔道何煩屬吏除祗有閒情弄琴鶴絕無私謁謝苞苴
旌旌纔駐旋回棹忍使蒼生屬望虛

文溪頌言卷七

九

俞鳳芝

號雲倦
歲貢

乍聞神父法前賢垂老欣逢返樸年松菊無心私赤日
溪山有影戀清泉舉頭圓月當三五公行以七月望後注目慈
雲意萬千從此烏鳧飛去遠積懷欲慰轉茫然

董

正字養蒙號
東橋廩生

偶辭香案下蓬萊元微之詩蒲居猶得龐統原非百里

才憶昔風流揮塵柄祇今雅韻出琴臺鋤奸共凜嚴霜
肅校士欣逢化雨來漫道微波需未足枯苗久矣待滋

培

不須異蹟博聲聞三語何慚清慎勤天爲文溪做文運

地留慈水待慈君愛人雅協弦歌治種粟遑謀稅分
終願陽春來有脚一時父老望殷殷

阮芝干

字培三
諸生

珊珊仙吏謫句章曾向瑤宮繡鳳凰智抱雙珠情莫遁
謠陳五袴感難忘素琴畧譜薰風化碧草都霑湛露光
酒餞三蕉江月晚繞船荷芰散餘芳

王

約
字簡夫號
西輿諸生

一時衢巷聽歌呼化理偏教憶舊圖心切借賢思拔薤
眼穿穀我望來蘇春風惠果還珠浦夜月輝應戀玉壺
堂繼清清留夢寐雙飛何處覓仙鳧

女溪頌言卷七

十

揭來循吏仰儒林山斗難拋臥轍心風飭士勤惟設鏡
宵傳漁肅但鳴琴一同地限雞勞割三異天成鳳快臨
爲羨行旌棠影畔溪聲爭與和謳吟

王晉階

字泰符
虞生

東房西闕

俗以祀房公階者謂東
廟祀闕公釋者謂西廟

績平分今日鳴琴此

又聞書不闕緘投自水士惟懸榻謝如雲欲令孝里還
淳化祇在澄軒

署中有
澄碧軒

遠俗氛博得陽春留曲裏長臨

慈水憶慈君

王

叙
字惇五號
也樵增生

新政流傳卓不磨慈湖清澈有餘波治蒲甫及功偏倍

借寇終虛感更多移棹裝惟憑鶴載攀轅聲卽是驪歌
醇儒循吏均無負捧土如山譽又何

王庸德

字慎修號勉夫廩生

文章鸞掖久馳名手縮銅符出玉京一意但期民共
樂萬家齊慶佛重生雉馴纔覺春郊暖鳧去空餘秋水
清多少兒童騎竹馬東郊何日復相迎

楊慶槐

字樹人諸生

曾傳單騎入旬章利弊關心細揣量手握清風殊灑落
力搜積贖不張皇苞苴遠謝中庭靜桃李新栽滿署香
欲寫去思何所似一川明月繞琴裝

文溪頌言卷七

十一

龍霍而還得幾人循聲試聽管江濱羣情已惜公來暮
三月方期營治新戶盡弦歌民不俗野無稂莠物俱春
飛鳧忽向長亭去會看攀轅借寇恂

楊春暉

號小坡諸生

政敵兼遭水旱侵誰云淳俗未銷沉回青忽似陽春草
保赤深懷父母心清比玉壺涵衆象明同金鑑肅官箴
里閭情洽歡聲徹愧乏新詞滌筆吟

虛明只本此心公民自無私吏自忠化洽一方需漸漸
符辭三月惜怱怱果教房富留今日豈乏楊

文黃文潔講

古風祖帳道旁君已去幾回翹首白雲中

桂

莊字亨衢號
仙槎諸生

寇君百里令名馳待澤常深父母思吏淑幸留三月惠
心清不受一塵私政成風草民胥變化被弦歌俗盡移
郊外飛鳧今在卽送行忍賦柳枝辭

憶從匹馬赴旬城折獄咸推老吏名久歎繁絲紛莫理
豈知慈水涸仍盈勸農務去螟蝗害入境惟聞紡織聲
詎意匆匆遽返旆欸留莫慰望霓情

孫家英

歡聲四達俗陶然今日風情遠勝前綠野有人晨荷笠
白門無吏夜催錢方新魯治纔三月莫借神君駐一年
惟願載沙填路早更翻霖雨到金川

文溪頌言卷七

十一

...

桂

莊字亨衢號
仙槎諸生

文溪頌言卷八

赤董詩海之第八種

文溪頌言

人

元

堦

輯

五言排律

周

銓 字俊三號晉川生員

吏治無難肅澄源在去貪欲熏忘帶鶴才拙倚衙魁水
旱窮簷隔巷直巨室深不求仁政洽遑問頌聲覃下邑
春何幸荒溪澤忽涵卓侯勞攝篆荀父快停驂造士隆
庠序鋤奸衛杞柁鏡懸刁訟息琴撫靜吟酣案牘驅陳
迹胥徒化宿婪醜塵炊或冷泉苦汲偏甘詠績竒將十
觀風異豈三柳森歸未想瓜代促奚堪借寇情空切攀

文溪頌言卷八

一

劉望益快出郊餘繳笠留像渺煙嵐莫罄神明戀聊殷
物我參佇膺褒德擢霖雨徧東南

周茂梧

字皆五道光乙未舉人

莫謂偏隅宰中無間世英荀庭傳治譜蒲邑播循聲譽
望金門重詞華玉署瑩新猷宣召杜舊選列蓬瀛錦得
良才製鮮憑小試烹符分全浙境檄捧古勾城孝里仁
風布慈湖化雨行省方五術舉按俗入條呈有弊皆釐
剔無施不酌衡農桑勞勸課學校厯經營折獄風規肅
論文月旦精膏還分鶴俸路爲導鵬程教養謀能善恩
威濟得平范魚廉致詠魯雉異觀成報最經三月孚民

感一誠虛堂心鏡照比戶口碑廣美姬房公政芳追霍
令名方期鳧駐鳥條觀隼移旌昨遂來廉願今懷借寇
情琴堂思去後額嗣紀清清

楊聿燕 字書雲
生員

華
國文章重臨民政事先位膺明府貴民頌使君賢家乘
青細在聲名紫塞傳裁詩金作句錄賦錦成篇憶昔登
薇省分榮近水天筍班誇翰墨珂里羨神仙雅望高雲
表

新綸降日邊

文溪頌言卷八

二

九重承雨露百里幸幽燕民事當時亟妖氛此日扇謀
能清毒雨憂爲靖蠻煙吏議雖煩上

君恩喜再宣組方關北解節又浙東遷清淨仁風浴煩
苛法令蠲勤思周疾苦諄誨集愚顛扈俗籌安堵鳩民
課力田強先除蕪本辱但示蒲鞭數見庭烏集無虞屋
雀穿仁深徵虎渡廉著卜珠還衣食千家足桑麻萬畝
連犢刀風變矣襦袴頌殷然亮節朱絲直淵衷明月懸
蒸才興學校課業降旌旃旃旆時雨滋經席春風坐講筵丹
黃真結習文字舊因緣作伴攜琴鶴歌風叶管絃直將
心比水真覺治烹鮮化已行三月官難借一年棠垂餘

蔭覆碑轟去思鐫昔歎來何暮今看往又過慈雲移漸
遠卿月望重圓志切歌驪曲才慚寫鳳箋聊傾心似藿
敢附筆如椽柳色歌三疊荷風載一船惟餘江上水清
極共淪漣

董仁澄

字練波
生員

下邑風聲樹停驂仰化淳政孚三月速績奏一番新校
士堂鱣集勤農隴雉馴蚩氓呼作父蠹吏畏如神民自
謳廉范官難借寇恂鳧飛郊以外驪唱水之濱豈異棠
歌召還聞忝頌郇更期卿月照有脚待陽春

葉維嘉

字小峯
貢生

文溪頌言卷八

三

望歲愜民情兒童竹馬迎鳴琴三月治懸鏡十分明課
士咸聆訓勤農豫勸耕工恒懲器竊賈復傲囂爭經濟
千秋業茲歌四境聲寇公偏莫借郭守竟瀕行柳起將
離恨棠留不朽名鳧飛何太速父老悵征程

盛炳岑

奏賦承明後符分百里區文章堪報國吏治亦通儒董
子溪名舊房公水利腴邇年多弊政單乘獨先驅露冕
觀風試鳴琴息訟娛一庭方集鳳數月忽飛鳧苦井懷
虞令甘棠愛闕湖攀轅留不得合寫去思圖

文溪頌言卷九

赤堇詩海
之第八種

邑

人

元

塔

七言排律

馮日彩

字餐霞號東城
道光壬辰舉人

木天揮翰早聞聲綬縮銅符出

帝城仙吏雲鳧飛自遠兒童竹馬喜先迎下車次第修
荒政製錦從容著盛名聽斷是非金鏡朗校論文藝玉
衡平拔茲薤本懲豪猾編厥蒲鞭示庶氓得被仁風胥
式化謂行多露盡消爭魚懸隱謝苞苴弊鶴警嚴防請
託情舊井泉甘知味變公庭吏靜覺官清冰心不愧青
天告鐵面何慚白水盟却合荀公稱父母還同穎守頌
神明量移武水期偏促餞別慈湖緒轉縈我欲攀轅攀
未得幾回翹首盼行旌

尹嘉年

字孟再號少橋廬
生有少橋詩草

雙鳧飛下古勾城纔喜春風拂草輕恰際東君和始布
試看南國化初行杏園早歲曾叨宴翰苑當時已識名
出障廣阿新任事分符玉峴益殫精幾回塘上觀濤起
更向谿邊勸雨耕撫字勤勞先汲汲持躬耿介繼清清
秋毫察物無冤獄月旦論文有定評童解將雛由德感
吏難作蠹亦心傾安民自使廳鳩樂息訟還消野雀爭

文溪頌言卷九

一

攝篆半年惟敬敏居官兩字是廉明追踪霍令芬教誦
媿美房公治卜成正幸黍苗沾惠澤邠堪棠蔭話離情
龍山飲餞朱輪駐鶴浦潮迴畫舫橫楊柳絲長千縷結
藕花香遠一篙撐去思欲議碑同建來暮翻嗟地又更
合與圖形披彩筆直須配社薦芳蘅士林何處瞻山斗
方伯原知重國楨竹馬重迎期後會雲鴻返舉計前程
摘詞莫罄淵淵思遺愛終宜續續賡若問別來深淺意
慈湖日日水澄泓

王只周茂棻

號蕙塘
歲貢

賢侯蚤歲入承明畿紫分符播政聲有耀福星臨下邑

文溪頌言卷九

二

無私霖雨潤編氓登瀛前度題箋貴出宰頻年撫字精
玉尺量才原整飭冰壺照物更晶瑩知多善治騰三輔
定許廉稱表二城德著魯恭觀雉異操高范甯詠魚生
嚴威不愧神君號仁愛何慚賈父名霍令風標追介介
張公志節媿清清孝鄉苗黍膏方渥慈水絃歌化已成
賜絹有期邀澤筆直應酬畫藹艾蒿士林何處望山
寵命攀轅無計動輿情雙湖煙景思波繞六渡風檣別
感縈此去循良膺薦牘行看懋績達神京
費錦榮生員
自來循吏本醇儒惠愛民歌雨露濡朗照胸中懸寶鏡

摸羅境內少遺珠
夙遊翰苑高聲價
纔泚慈湖屢牧芻
花徑犬無聞
夜吠桑陰雉不捕
將雛馬迎道
次爭誇竹鞭作官刑
只用蒲三月化行
幾曾治如何惆悵唱驪駒

張

淇 生員字偉人

曾值承明侍

玉聯

聖皇偶勞仙吏宰
勾章催科政拙甘
書殿撫字恩深足
救荒慈愛固堪追
召杜循良直欲繼
龔黃風行草偃剛
三月腹詠心歌遍
四鄉縱有編氓思
卧轍難禁特簡促
行裝休言泚邑時
無幾遺澤還隨溪
水長

魏鳳林

號雲浦諸生

文溪頌言卷九

三

白雲一片覆句章
遂聽家家詠召棠
小邑幸逢慈父母
偏隅復見古淳良
單車入境誰曾覺
細草迎春自有芳
不縱莠民干法令
特開講幄示津梁
役遵約束催科緩
胥稟章程整牘忙
暮夜况堪神鬼鑒
大年宜致雨風祥
時當赤日陰都化
心在寒冰暑亦忘
可奈瞻依纔五月
旌旗遽欲去江鄉

王

瀚 字海文號亦坡附貢候補光祿寺署正

校書自昔重靈臺
出使原非百里才
福曜偶從雲外見
春風忽向海隅來
舍棠早博鳧情洽
去莠先將蠹吏摧
冰貯玉壺清徹底
鑑憑金鏡淨無埃
孔公簞篋惟蔥韭

劉令園扉半草萊觀政繭絲三月報崇文桃李一湖栽
野飛馴雉童心異庭挂生魚客意猜似此廉明誰得借
不堪矜望共低徊

俞脩敬 號似淵

木天學業施於政小試烹鮮績已彰扇院掄才先器識
觀風剔弊費周章畧施條教應如響豈待刑威凜若霜
馭吏有方能辟蠹祈年何術竟驅蝗空中懸鏡陳公室
靜處彈琴宓子堂清政行看標杜白二湖名循聲直欲嗣

劉汪那知馴雉棲桑暫又見飛鳧化舄忙戀戀慈雲留
不住依依明月倍難忘來時楊柳剛舒翠去日槐花尙

文溪頌言卷九

四

未黃俗革漸還房相舊澤流應與董溪長驪駒唱出輿
將駕玉笛吹殘鳳欲翔四境謳思風土美繪成圖畫想
容光

俞脩敬

俞脩敬

俞脩敬

俞脩敬

俞脩敬

文溪頌言卷十

赤堇詩海
之第八種

六言詩邑

人

葉元

堦
輯

五言絕句

秦鳳

鳧飛天上來蕭然凜風采畢竟清美官不愧神明宰
我邑素煩劇公治如烹鮮閒來琴三疊空庭鶴自眠
公德高於山公心清若水水清誰不知山高徒仰止
公今武源去小民何由隨攀轅留不得願鐫去思碑

王羽可

清映冰壺潔森懸朗鏡寒慈湖不滿頃彌覺澤漫漫

文溪頌言卷十

一

三月被仁風謳吟四野同生憎江上柳難駐五花驄

俞興讓

揮琴單父理聞歌武城治欲惡順羣情父母真孔邇
句江風土醇民性誠易馴况值陽春至良苗皆懷新
觀風陳利弊金鏡懸虛堂情真理亦得下無雀鼠傷
刑賞兩相輔吏治非小補強梁既不恣鯨寡復誰侮
苞苴屏不遁有魚懸庭中一帆渡江去兩袖餘清風
焚香拜道旁臥轍情難忘望公綺川遠思公慈水長

六言絕句

人

葉元

文溪頌言卷十

諸生

家學青箱素著循聲玉峴先傾雙鳧忽然飛到喧傳房
富再生

况聽花栽北直爭誇草視西清文章自能報幸來命東
國經濟何負科名

但聽鳴琴數聲春風夏雨齊盈纔喜孝溪水漲又看綺
川月明

七言絕句

王福屏

觀海衛人

五載凶荒苦若茶神君來止慶來蘇如何已屆豐登節
不繪羣黎鼓腹圖

文溪頌言卷十

二

汪汪愷澤浹民肌畿甸相沿到海匯殊幸老來添眼福
管山許讀去思碑

槐蔭重重表太原先膺民社振家門試聽清白留貽贊

那禁低回溯本源

福祖貫赤
本太原

老朽如今已杖家一聞驪唱便生嗟莫言懶祖東門帳
愁見攀轅淚似麻

魏

鐘

字律陽號
嶰谷廩生

早歲文章造鳳樓花磚曾向玉堂遊句城何幸來仙吏

一片慈雲三月留

隸難無法法無違自爾民和案牘稀祇覺訟庭春寂寂

一雙蝴蝶上階飛

忽聞城外唱驪歌無計攀留喚奈何記取臨行河上語

他年呼作使君河

老幼萬人送侯出郊
侯以疏濬城河爲囑

姚守謙

字禮讓號
欲園諸生

小住西湖遠俗埃忽攜琴鶴過江來如何笑比神山幻

吹着天風又引廻

觀風百里喜陶甄病我支離嬾着鞭但聽論文先器識

使君不愧玉堂仙

廉潔持躬早守箴何人敢說四知金溪頭活水清如許

好印冰壺一片心

文溪頌言卷十

三

江干祖帳起清歌嫋嫋垂楊瑟瑟波不識他年開府至

慈湖風景更如何

馮可鑑

號蓉軒
諸生

梅花風雪憶春寒喜見賢侯始下鞍曾讀西清中秘典

重修治譜與人看

恰好仙才作吏才玉衡冰鑑絕塵埃質成片語無疑獄

夾道歡呼父母來

清廉復自守官箴那有苞苴暗室侵薄俸只堪分飼鶴

一庭明月夜盟心

忽催離笛去匆匆應有循聲達上公此後江天頻佇望

棠陰不隔浙西東

俞

玕字配琳號竹塢附貢

書因請托皆投水訟到平反不試鞭積弊掃除何太速
忽忽五月抵三年

葉維鉉

字雅奏號琴溪道光甲午舉人

廣阿久仰政聲循何幸仙鳧集海濱但聽下車詢利弊
滿城已覺澤如春

大開講院拔真才多士歡然接踵來從此慈湖蒙化雨
岸旁桃李盡公栽

紛紛疑獄斷無偏片語那容吏役傳嚴憚一時霜比肅

文溪頌言卷十

四

誰知懸壁只蒲鞭

欲傳善政不勝書夏陌春郊樂有餘詎料化行三月後
匆匆莫挽使君車

吳山越水遠茫茫惆悵旌旗隔一方留得撫慈諸勝蹟
他年寸草亦甘棠

弭節何時過四明遙瞻五馬競來迎依依得遂蒼生願
重聽千家頌祝聲

董義根

字秋生號友蓮

曾向蓬萊頂上遊蠻箋錦字擅風流只今小試調羹手
一曲琴聲澤已周

春風桃李羨公門講席論文酒一樽種得河陽花滿縣
芻蕘化後盡蘭蓀
鼠牙雀角漸消除報政何難五月餘懸却蒲鞭都不用
簿書早已易詩書
雅意攀轅志莫伸驪駒唱徹恨方新闕公湖上垂垂柳
留得濃陰覆後人

王振綱

號蓀聖
生員

留公不住送公行此去綿綿無限情但看繞舟山色好
滿江秋水一帆輕

吾宗槐蔭本長留况復清名動海陬從此蒼生徧霖雨

文溪頌言卷十

五

豈容私與一方求

王

鉉號六邨
職員

名高蓬島列仙才小試方隅百里雷記得王喬飛舄到
迎春橋外夜燈來

下車正值艷陽晨父老來觀令尹新試看化行三月後
訟庭鼠雀向風馴

民瘼民依總繫情居官廉潔與精明生魚可挂庭前鰓
害馬都除境內清

驪駒一曲動離愁道路攀轅莫挽劉畢竟人行遺澤在
滔滔谿上水長流

葉元賡

號咫堂
諸生

蓬山地望本非凡現宰官身來鳳巖漫訝玉壺心宛在
一條冰早署頭銜

太史輜軒舊有名觀風徵起魯諸生畧看小試栽花手
桃李新陰已滿城

雀角紛爭笑爾曹使君明已察秋毫虛堂一鏡高懸着
穴社憑城亦枉勞

纔喜來迎又去將行行何以慰民望慈湖留得慈君澤
應較長溪澤更長

王

星

字經野號珠垣
十二齡童子

文溪頌言卷十

六

下車問俗首觀儒輪迹從教大雅扶始信詞垣有真賞
春風桃李滿慈湖

朝朝聽訟白雲中案牘如山一掃空自是庖丁牛善解
才非百里仰龐公

立政先將秀稅除肅清境宇得安居月明浮鰲山前路
更有何人囑蠹書

官箴謹飭絕苞苴心似冰壺玉並儲不信清清堂在卽
庭空簷際有懸魚

儉德由來可助廉力除華靡守誠嚴盤匱惟潔高堂奉
慈韭還隨孔令狀

三月方瞻魯治修陽春有脚莫攀留怪他慈水多情甚
爭逐慈雲向北流

一時遺愛頌人寰留得甘棠不忍刪極目鳧飛西去遠
夕陽猶是戀鵬山

董藹青

號吉生

明察傳來蒞任初一時健險暗消除更無疑牘留塵案
此手原推霹靂如

清廉三世舊家聲越石朦朧想獨明留得好風盈兩袖
鬱林歸去一帆輕

董藻青

九齡童子

文溪頌言卷十

七

攝篆來慈未半年民歌樂只已紛然使君本是河清後
治譜遙遙想獨傳

有辭曾不患無情一鏡高懸獄自平雀鼠潛消庭寂寂
清風閒送落花聲

俞金墀

號約僑

自癖容居奉天頗聞鄉俗日敝今得家書盛稱
邑侯王公除莠衛良之政喜而有作

遠遊遼海已三年傳說家鄉宰屢遷親串春來閒坐論
孝溪那得有貪泉

忽報王祥蒞浙中果然歌祝遍西東客中亦有思歸樂

唱向江頭萬里風

俞守毅

膝下承歡四十年心知報國孝爲先
清如白水明如鏡治譜兼資庭訓賢

撫字深情不可諉遠聞郊外頌聲喧
寇君此去知難借妬煞棠陰甜武源

文溪頌言卷十

八

賦然榮劍想先聯

無字窮耐不巨須悉問水與魚

出語兼資要應寶

想不涉藩關十手心映輝園

俞守毅

甲向工頭萬里風

文溪頌言卷十一

赤董詩海之第八種

邑人葉元楷輯

詞

馮茂椿 字春木號瘦梅廩生

金縷曲

上界神仙吏
驀吹來雙雙飛鳥
春風滿地
花落花開
簾不卷
但聽鳴琴而已
復奚說
繭絲難理
心鏡虛懷
明月皎照
閒庭鶴夢清
如洗
古遺愛更誰比
口碑載道
應堪記
甚匆匆
頌聲未了
離聲又起
斜日郵亭
催別路
扶上輕裝
一騎遠送
入藕絲風裏
縱牘棠陰
濃繞舍
尙留

文溪頌言卷十一

韓竊鉦情相繫
雲樹暮悵千里

馮鳴鶴 字鳴子拔貢生

南浦

如此好官聲
幾多時
琴鶴又催裝
去把酒話臨歧
斜陽外
靡限別離情緒
茫茫立悵相隔
一江雲樹
峭帆飛渡
更無賴
東風不教留住
劇憐閨苑
仙才儘骨抱冰
清心涵月
素飛鳥下蓬山
輕揮灑都作蒼生霖
雨垂簾
永晝且含毫
靜商吟句而今何處
紅藕鏡中花
武源溪

路

葉元璧 號小譜太學生有花影詞四卷

沁園春

詠捕蝗行唱射虎謠羣情苦憂正青鸞降綬傳來鎖院
仙鳧化鳥飛下明州雨我風人子民奴吏澄碧新懸一
鏡秋纔三月惜埋輪有意難作攀留十年早敝貂裘
但經國豈能爲食謀看行窩塵滿允堪擬范虛囹草長
僉欲呼劉百里花圍片帆雲遠猶聽清歌道路謳謳難
盡與綺川西去慈水東流

曲

徐樹勳

字竹書
職員

南南呂

文溪頌言卷十一

二

戀芳春

杏雨紅嬌麥風翠軟聽春雉谷谷初鳴恰值賢侯車下
父老樞迎夾道歡呼不定說杜召今來吾境堪相慶頓
洗煩苛天開霽宇青青

大勝樂

想仙才出自蓬瀛抱胸懷冰玉清照虛堂秋懸月鏡利
與弊周咨詢剖析纖毫都作水衡平信不負慈稱父母
又神明一簾花落也只聽得琴聲泠泠鶴聲隱隱

紅衲襖

莫不道訟庭閒肅官箴又復見講帷開端士品只爲着

守經箱學本家傳正遂因此被絃歌化覘吏治新右丞
詩畫稿參評夷甫談簿書同訂應博得美譽循良到處
流傳遍竹馬兒童盡識名

一江風

怎匆匆撇換銅花印把一騎輕裝催整整郊門無限斜
陽難寫別時情景東風不暫停東風不暫停江邊潮又
生百忙裏勸奉離觴飲

尾聲

慰去思留鞞鐙江雲相隔幾多程夜向中天望福星

文溪頌言卷十一

三

文溪廣頌總目

一卷 古體詩

二卷 今體詩

卷裔 跋語

文溪廣頌總目

一

卷裔 題辭

二卷 今體詩

一卷 古體詩

文溪廣頌總目

文溪廣頌卷一

赤董詩海
之第八種

慈 谿 葉 元 塔 輯

古體詩

葉樹枚

字係生號慨吟江蘇吳江縣諸生著有
慨吟書屋詩文集盛餘什一若干卷

太原王君宰慈邑有善政不半年量移武原邑

紳士既為詩歌復申圖畫以寓攀劉借寇之

忱余適客是邦稔知其事用作是詩頌王君

兼為今之為吏者勸

賢侯之來不可求賢侯之去不可留惜哉下車纔五月

分符又別勾江頭東門祖帳情未已申以圖畫兼歌謳

文溪廣頌卷一

我時觀海適來此看詩讀畫開雙眸如公豈是今之吏

如公真與古為儔仁風善政聞遠邇浙民多幸吳民愁

具區一水接東海何為吳越分鴻溝徒令吳民空望歲

鄰邦不得蒙其休飛鳧笑指武源路竹馬爭迎郭細侯

厲

志 字心甫號駭谷定海縣諸生著有白
華山人詩集十六卷白華詩說二卷

春始東來郡即聞慈宰賢慈宰太原人遠辭太行山作

吏游東浙早不憚苦艱慈邑稱易治近習頗多頑居民

多富饒匪人多為奸上者鋤不暇而可逞其間積漸不

思反約畧已多年赤日方在空昏霧豈久纏自有清風

至遠從西北翻卓哉我王公骨重而神爽原知清廟器

小用其偶然強梗盡折削薄罪忽弗論更有萬端事甫
萌暗就刪父老入庭遊轉訝何其閒嗚呼此神明古籍
亦寡傳奈何卽捨去紛紛徒攀轅使我境外民蠢蠢動
肺肝此筆爲公頌語拙情非偏迨遙武原政聞風當重

宣

翁忠錫

字承之號小鳳紹興府餘姚縣廩貢方伯鳳西先生令嗣

太原王蘭圃先生攝篆慈邑甫五月歌德政者

士民無間言作此奉寄且以贈行

先生玉堂選暫膺民社司雙鳧飛浙水盤錯艱不辭今
春攝慈篆瀕海衝難疲士習就衰替民風競澆漓所以

文溪廣頌卷一

二

訟牒繁紛積如亂絲公以一手理梳櫛細無遺豪猾歛
其跡刁頑改厥爲觀風旣多士戒勿荒於嬉甘棠蔭遍
野桃李栽成蹊讀書養器識讀律參設施讀書與讀律
道本非兩歧化字近咫尺耳公名久之竊擬登龍門拜
識公鬚眉所嗟程間隔迺聽空繫思德政播鄰治循聲
流口碑詎意旌旆揚又值瓜代時攀轅集父老惜別心
依依道公蒞三月惟酌水一卮農桑課四野巡行單車
馳傳渾潔冰玉仇覽化臯鳴張聿榜赤心所署真無私
燕肅削木牘召來咸如期我公威兼愛一一惟古師自
有此邑來此令向所稀今茲舍我去能弗長歛獻我乃

謂慈人此行公心怡

聖朝重儒吏卓薦非公誰行將不次遷

丹詔下形墀驥展長坂足鳳翔高梧枝佇看撫兩浙奚
爲悲暫離慈湖送飛鳥舜江同歌驪頌德贈長句非同
折柳詩

張景豪

字雨亭號寶山鄞縣
附貢生工部郎中

自古稱循吏召杜名共傳仰之如父母斯語何愧焉慈
邑多賢宰輝映相後先我公蓬島客唱和隨羣仙綰符
來此地鳧鳥飛翩躚下車甫數月政績已煥然廉平民
共頌虛堂明鏡懸借寇惜無術去思空纏綿驅歌起郊
外維繫難留賢惟餘甘棠陰慈惠千百年

文溪廣頌卷一

三

謝祖銓

號漁橋餘姚人
道光壬午舉人

俗人作吏如作客官心每與民心隔幾閱傳舍只等閒
誰肩父母斯民責使君發跡由木天此身本是蓬萊仙
飛鳧忽向人間駐馴雉久從日下遷邇來循聲徧近邑
心若江流已深浹漫爲劉寵齋百錢擬向錢塘比一葉
山陰晝日筠簾垂瑞安虛堂金鏡開自從使君蒞慈水
道旁競說慈君來慈君來慈民福慈湖萬家歌且祝慈
民歌慈君去戀戀慈湖行且住行旌頃刻催江邊歸裝
琴鶴何蕭然撫茲虞城僅三月誰爲寇恂借一年我從

鄰封雁迹聽未曾親沐使君政陽春有脚過姚江能不
教人肅起敬側聞樂士唱去思父老遮道貿然癡且聽
我言君莫癡庶幾來官猶是去官慈爲民牧者大抵當
如斯吁嗟爲民牧者大抵當如斯

鄭世淵

字性水號補堂鄞縣人
道光壬辰舉人

車前無八駟何得稱丈夫王融爲此語所見徒錙銖親
民非置散教化良可敷起家由牧令從此多嘉謨况我
賢邑侯登瀛翔天衢爲展四方志翻握百里符從政擅
果達設施非闊迂中牟驗馴雉葉縣看飛鳧但作鸞鳳
棲棘枳同高梧循良首報最攝篆移慈湖慈水古明州

文溪廣頌卷一

四

亦稱繁劇區下車僅百日布澤與雲俱雪寃孤寡偃
草辨榮枯訟庭花草閒明鏡燭無辜豈弟民所暨豚魚
忠信孚始知愛人德端由學道儒可惜慈父母施惠方
半途妬煞武源氓待乳號烏烏攀轅悵不及枌社留畫
圖我亦鄰赤子謳誦空踰趨唯期星照浙遍被東西隅

張

字楚佩號小峯鄞縣人
道光甲午舉人

慈水吾鄰邑邇來號難治所隸猶赤子良莠何忽異神

君痛切膚三月勞撫莅舊局已全翻頽風莫不植

直吏切

內不受情牽外足去民累匪獨風教殊品望復誰比江
河日趨下風骨嗟掃地揣摩合上官報課稱循吏滔滔

不可返砥柱良未易卓立豎清標堅定全古誼惟廉乃
益明愛憎無偏寄天良在人心交口頌不置棠蔭日以
長編茅得依庇斯惠期永享忍言中道棄我亦動去思
仁慈况身被

葉

滋

字文元號銜菊監生名元埔
慈之鳴鶴鄉人遷居餘姚

勾章稱富庶地與姚州鄰近歲遭荒歉土風漸不淳非
盡民不淳良由治不振自侯單騎至事事必躬親吏胥
但拱立瑟縮無敢伸勸懲及婦孺軫恤先孤貧掃除積
年弊威愛適相均四境默已感熙熙被陽春吾聞此邦
宰房富古大臣百里今小試五月化何神方期積日久

文溪廣頌卷一

五

餘潤霑鄰民胡乃去思唱遠達舜水濱相望駐旌旒悠
悠江天雲

史

銘

號洵溪餘
姚諸生

公爲慈邑宰銘爲姚江民威不及我境恩不逮我身恩
威兩無與頌語何由申詎知感孚意不以遐邇分况我
昏齒邦疆界相比鄰石林我直友謂葉二
桐孝廉言之且諄諄
謂能除稂莠藻鑑明如神謂能敦儒行鼓舞機漸新五
月時甚暫四郊歌已頻銘聞古善政熙熙如陽春風和
琴自韻庭閒鶴亦馴公本具仙骨橐筆從詞臣才非百
里限教可七年振蒲鞭化始著棠陰被未均膏澤得長

沛閭里庶還淳奈奉武原檄莫廻劉寵輪離情皆繫戀
別賦同吟呻月照鄴山曲潮通虞水濱待公非一方望
公非一人他年開府來澤徧東南津

范上緯

鄆縣廩貢

自來循良吏不論久與暫但有政可敷卽荷斯民擔如
公蒞慈湖代庖亦斯須立時沛膏雨深浹民肌膚本俗
六以安保息六以養久道覘化成羣黎盡瞻仰方謂慈
惠師奕世猶賴之乃以瓜期及去去不需時紛向上官
乞借寇不許屈耆老抒愚忱虔禱惟禮佛念公莫能留
道旁送鳴騶聊獻清德頌口碑當俚謳

文溪廣頌卷一

六

林成賢

旋夢棟
鄆邑人

自昔有潘令春風桃李香自昔有單宰械械琴絃張風
俗談吏治有客來吾鄉客言吾邑侯洵爲邦家光少年
趨華省簪筆重玉堂新泄敷茲土三月春草芳觀風詒
利弊勸俗安耕桑舊有詐僞習一一掃秕糠聞茲古仙
吏令我心驚惶沛然膏雨滋冷然清風揚斯民游其中
得不稱循良丈夫拔劍起原爲斯民望千里策驂騶非
徒沾一方豈知化由基百里先斗量與客出東門驪駒
歌在旁聞公駕武原去去何倉皇楊柳依依垂父老牽
羅裳嗟哉來已暮長此賦甘棠

李潤德 鄞邑 廩生

向山甬水地相鄰父老傳聞事事真况有措施良邑宰能無稱誦異邦人憶從畿輔揮絃理舊是宮垣珥筆臣

公由廣常散就知縣雙鳥飛雲辭

北闕單車指日下東津 公赴任不用鹵簿即此已見安民意入城暗握圖

維要 公下車即訪求民瘼問俗先教利弊陳有慈谿利弊詩保赤

以誠依是母 恤嫠育嬰諸政具舉摘好不惑望如神公明察治獄

勸勤蠶織懲游女 慈之清道觀三月間俗尚禮拜男女混雜力濬溝渠警惰

民 公踏勘河道勸令紳士修浚猾吏潛踪難作蠹奸商束手值維均

公痛絕吏胥舞弊凡巨奸積蠹芟夷殆盡其應酬大憲也恪敬有加而苞苴請託不行為近日官守之最罪

文溪廣頌卷一

七

梯似峻終無猛宦橐常空豈慮貧 公仁而廉愛一以民為念故政畏如火節

清如却盡苞苴嚴暮夜 公自奉甚儉署中率皆蔬布蕭然如老書生 消殘冰

瓦奉陽春 公年及壯奉侍退食之暇承歡殊慰矣 誰知棠舍維三

月竟使瓜期迫十旬 公自春仲來治慈總得三月又轉調他邑 手藁欲成來

暮什口碑又為去思申選錢涕泣談劉寵奉贖攀留借

寇恂 慈人有至省攀留者因大憲將重用之故不計 托蔭恩多爭贈蓋 慈人有以萬人

傘贈 焚香心切欲埋輪 公去慈日路上焚香拜送者甚眾 萊公柏影應

懷舊名伯棠陰諒更新微獨慈湖多士頌謳歌遠播甬

江濱

何洽 號盪塘字決 三鄞縣人

東流慈水接鄞水居民古俗稱淳美耳聞近習患浮夸
安得清風日日起太原賢侯春始來虛堂寂寂明鏡開
有罪未必皆鞭笞強梗一一經化裁五月善政風漸改
聲聞傳似單父宰嗚呼民政原自邑令始如公之吏今
安在詎知下車不久駐分符欲去武原路道旁紛紛多
愛慕老稚攀援空赴訴我居境外聞驪唱感之不覺情
意悵安得西去一瞻望同向東門供祖帳

葉培德

字樹滋號鳧橋定海人

棠陰拂拂春風香晝日鳴琴單父堂一度驪駒忽催唱
雙鳧目斷青雲旁蘭圃令君五經笥早歲簪毫清要地

文溪廣頌卷一

八

管然一現宰官身手挽銅符來作吏經師曷若人師貴
儒吏究與俗吏異一庭清絕照懸魚百里恢然勞撫字
卓茂斷斷意有餘靡然風草式羣類非惟刑法得持平
多謝弦歌留雅治仁風三月流遺愛誰識姚崇旋受代
我聞宋有王長官建置居養老稚安又聞明有王大令
疏濬二湖膏澤寬此事閱今幾百載慈民尸祝相呼驩
今被明廷半載去姓氏後先同不刊去矣孔璋行不止
口碑鑿鑿常在耳令君之風清且長領取慈湖一湖水

盛

炳

鄞縣

勾餘山色接甬東留賢頌德民情同驪駒一唱黯然別

後送張公前孔公

孔公魯瞻宰吾鄆張公浣秋宰慈邑皆生受知師

孔公去日

生有詩張公去日生無詞有詩無詞各盡意黃鸝在樹

鳴聲悲知已恩私感自深恤民公義敢忘情王公來繼

張公任陶柳潘花又滿城下車延士詢利弊

聞觀風題乃詢慈湖

利弊懇懃搜剔勞心計飲蜡吹幽俗本醇自蒙操割益磨

礪方欣慈邑得慈君三月春風坐有羣瓜時不意遂瓜

代班馬蕭蕭踏亂雲鄞江慈湖隔一水多士聞風亦興

起聊晉巴詞送此行有緣他日栽桃李孔公滇南不可

見張公相逢應識面爲生傳語事無他崩强文章今一

變張公謂生文以崩强損

文溪廣頌卷一

九

厲學時

字悅堂號小谷定海人

吁嗟嗟時聞國有賢相運斯昌邑有賢宰民斯康地方
百里雖小試廟社異日之楨梁鳳樓仙人象若秀一朝
何幸來句章初任他邦譽已滿歷試玉峴才逾長或者
風塵百鍊天有意不爾胡爲勞勞萬里踰太行句章地
美本易治頻年穀貴蠶無桑公來撫郵意倍至生機微
復民洋洋苦井出泉變甘味明鏡去埃燦寶光校士更
敵慈湖席力持器識振頽荒入城盡是種花處出野無
聞射鴨堂公來時甚暫但見春棉乍熟秋禾又黃歉歲
忽有獲四境無飛蝗誦公之德公不任毋乃善政格天

天降祥嗚呼善政格天天降祥公去何弗歌甘棠

葉蘭芬

字春晚號意田慈之鳴
鶴鄉人遷居餘姚諸生

芄芄黍苗崇朝其雨豈弟君子照臨下土 西方美人
顯顯令德正直是與維民之則 春日遲遲至于海邦
父母孔邇以綏四方 夙夜在公不敢告勞穆如清風
德音孔昭 曾是措克修之平之立我蒸民經之營之
躋彼公堂秉心塞淵樂只君子胡不萬年 鳳凰于
飛遷於喬木薄言旋歸亂我心曲 適彼樂土淑慎其
身濟濟多士遐不作人 稱彼兕觥豈樂飲酒心乎愛
矣民之父母 出其東門驅馬悠悠是用作歌以寫我

文溪廣頌卷一

十

憂

鄭瑞檀

字慎卿

懿哉王公奉揚仁風雖非撫我被澤則同問誰愛士曰
公之教問誰勞農曰公之詔自公之至官署無事吏胥
飲冰寃獄悉治自公之來室門夜開盜賊斂迹不相疑
猜化行五月公車催逼莫援公鞭莫挽公轍我非慈民
公實慈君卽慈卽郵兩地何分懿哉王公召杜同功何
以報德祝壽無窮

天朝輔也制善文恭天朝輔公志

文溪廣頌卷二

赤董詩游之第八種

慈 谿 葉 元 堦 輯

今體詩

吳大本

字立夫號三淵紹興餘姚人嘉慶辛酉拔貢

百里遙傳鳧鳥臨頌聲傾耳便傾心
秦山曾說無苛政
東海從教有鼓琴
懸鏡力能成古治
垂簾手自著官箴
姚江本與慈湖接
我亦扶筇寄短吟

檄書下逮及瓜期
望歲情深忽量移
境內方傳來暮誦
道旁爭立去思碑
管亭明月千家夢
歸擢清風一鶴隨
畢竟溪山拋未得
船頭滿載送行詩

文溪廣頌卷二

一

呂承恩

字充夫餘姚人嘉慶丁卯舉人

羨煞鄰封甫下車
公才公望重璠璵
曾傳畿緊神明宰
早讀 承明中秘書
天上春風隔歲到
公以去冬臘前至浙
皓月上弦初
但稱政簡移風速
晨不飲羊宵肅漁

孫 楫

字之膠號東津道光丙戌進士

曾入西清讀秘函
一麾偶似竹林咸
晚黃秋熟瓜偏及
澄碧春深署有澄碧軒
草未芟四面湖山圍
祖帳萬家香火
送歸帆隔江遙望
鳧飛處猶有慈雲護
鳳巖

黃履堂

號古堂餘姚諸生

董里流風未盡湮
政孚豈必待三年
灼知弊竇一時革

遜聽循聲萬竈傳月滿花村無犬吠風清冰署有魚懸
此邦久乏神明宰肯讓汪劉古獨賢

金門姓字昔年馳暫屈鴻才小試之方幸鳧飛逢葉令
可堪驪唱及瓜時樽前父老嗟來暮畫裏溪山縮去思
渺渺關湖清不竭餘波播及舜江湄

鄭

豐

字芭水鄞縣人
道光乙酉拔貢

片雲偶覆鳳凰巖玉翰風流本不凡利弊千言驚腹稿
公有慈谿勤明數字記頭銜紳士以勤明廉
慎區額頌公春深溪暖
花初種訟簡庭空草嬾芟聽到甘棠詠遺愛愧將蕪筆

附琅函

文溪廣頌卷二

二

柴希成

鄞邑廩生

循良撫字豈求名鄰壤偏教起頌聲舊列玉堂翔藻耀
新懸冰鑑仰空明一朝時雨甘流水三月春風花滿城
可奈仙鳧忽飛去關湖長對鄞山清

陳

瀛

鎮海諸生

積年利弊待興裁明府新從玉署來花縣人爭呼一葉
棠陰民競仰三槐政清直比江心月令肅還同海角雷
白叟黃童咸鼓舞熙熙今得上春臺
豈必弦歌擬武城膠庠已足證仁聲牛刀小試纔三月
驪唱旋喧徧四明借寇未容徇衆志攀劉終莫慰輿情

敢將下里巴吟句錄附同人送遠行

董

增鄞邑廩生

鳧舄雙飛到浙東詞臣才吏本來同驅蝗績茂歌今日
齋馬官清仰古風金鏡高懸神畢照玉壺朗抱鑒常空
幾多化雨霑慈水凍草枯萍已漸融

目送雙旌意悵然留將畫像仿前賢衣冠塞道民皆士
送行之日衣冠羅拜慈人繪以爲圖琴鶴隨行吏亦仙借寇情深纔五月

思劉德洽勝三年遙知異地潘花植還憶春風闕水邊

倪

誠號杏江餘姚諸生

聞自停鳧舄今猶未半年移風惟節用去敝急扶顛眼

文溪廣頌卷二

三

自明於鑑心仍淡若川熏蒸宏攷校多士荷陶甄

難得循良吏芳聲異地傳奉公勤對簿潔已不言錢蒲
治遵三善湯刑凜十愆慈湖遙望處風草碧芊芊

宦海浩無邊胥山倏又遷

聞調任海鹽

攀轅遮道路述德富

詩篇水味甘如此絃音雅自然憾余徒耳熟一詠一纏

綿

李作賓

號醉蕉鄞廩生

積習誰言不易遷化成五月頌聲傳蒲鞭薄試心眞佛
鳧舄高飛骨本仙判牘直疑人在鏡衡文豈獨筆如椽
可憐父老攀轅切猶望神君借一年

孫忠濟號菽澗奉化諸生

玉堂清望動詞垣何惜牛刀試彈丸魯政方驚三月速
寇君欲借一年難回思渴願差堪慰善協輿情總是寬
猶有風聲及鄰境新碑爭覩去思刊

董名鑰鄞諸生

循聲誦到十奇篇誰謂今賢遜昔賢勾邑傾心慈父母
蓬瀛回首小神仙一官聊試文章手百里齊休水火肩
可惜福星移照去教人翹首隔江天

記自春郊始下車河陽新政看花初察奸端藉懸虛鏡
望歲忻逢大有書廉吏頭銜冰玉淨農家心事斗升儲

文溪廣頌卷二

四

驅蝗剔蠹無餘晷積習頻年頓破除

漫說苦甘泉易變試聽利弊句分題公嘗以慈谿利弊詩課士公庭

夜靜無魚饋鄰境風行有鳳棲孔邇謳思沿甬水入深

膏澤渥慈谿海濱乍許邀廉范誰送籃輿過浙西

挽舟牽袂擁江干代有瓜期欲住難社土縱教圖宋父

農桑何自問兒寬况無長物如貧士只剩清名達上官

此去更應勞撫字武源民亦慰饑寒

羅鑿字鳳梧餘姚人

廣阿早歲卓清猷忽報龔黃莅近州半粟半絲猶恐濫
一琴一鶴復何求化經五月民胥洽成待三年澤更周

莫道牛刀纔小試口碑今已遍東句

鼠牙雀角最難平心在冰壺竟獨清共願仙鳧長駐舄
誰知畫隼欲移旌攀轅臥轍終何益黍雨棠陰總繫情
愧我無緣供祖帳也從境外慕循聲

史

增 號愛山餘姚諸生

百里龍慈秀色開鄰封新試謫仙才纔經三月化何速
不道雙鳧飛欲回帆影緩從蓉水出歌聲傳到蕙江來
四明山解攀留意故向篷牕曲曲廻

王方照

號意山鄞縣人道光甲午舉人

壺園雅集溯風流公與徐廉峯夫子相善詩酒情深共唱酬星使

文溪廣頌卷二

五

一宵催翰苑雷封百里擁諸侯頭銜自凜清如水心鏡
相看皎若秋三月匆匆稱善治驥才信是土元優
乍聽琴歌一曲終又催驪唱郭門東來如潤灑三春雨
去但清攜兩袖風慈惠合教懷衆母循良誰不頌明公
江天應自相垂照卿月流輝夜正中

陳

銘 號樹香鄞諸生

鳳巖遙望白雲遮政靜知無雀鼠譁琴榻宵深鳴皓月
印床春暖撲閒花驪駒忽聽歌三疊桃李猶思植萬家
鄞水西流慈水合永懷餘澤總靡涯

孫

梁 號馬梅鄞諸生

德曜端應列上台暫從百里試竒才但聞旬日絃歌洽
已覺湖山秀色開庭有懸魚清謝客門收逸鳳細掄材
况留餘澤誼鄰境同望東南節鉞來

羅元音

餘姚諸生

方今吏治日蒸蒸各守官箴勵玉冰三月便教刁俗革
此才何止擅廉能

不爲猛烈不優柔澄碧軒開月正秋我欲分光向鄰壁
句章自古屬姚州

王傳蘭

號稷亭鄞諸生

築翰曾依紫鳳垣詞臣出宰頌聲喧鳧纔飛鳥來慈水

文溪廣頌卷二

六

鶴已銜書報武源三月化行知草偃一庭訟息臘花翻
鄞山亦有聞風至早獻新詩錄使軒

葉

字蔭庭號香谷候選直隸州同慈之鳴鶴鄉人遷居定海

好雨物皆滋高雲自不知措施徵醞蓄撫字起瘡痍化
嬾中牟雉歌傳遠道驪攀轅情戀戀莫遣泪如糜
數月慈湖治甘棠惠愛遺鑑空隨物照守潔畏人知稔
正歌來暮碑偏繫去思巴吟懷德政敢說涓城詩

孫學馭

鄞縣人諸生

海邦藉藉誦餘芬入耳循聲到處聞三月弦歌彈治譜
一車脯酒賞竒文人知仙吏清於水我爲慈君望若雲

詩荷

綸音開棨戟大江南北建殊勲

董

萱

號北堂鄭邑庠生

德政流行境外傳飛來鳧鳥仰名賢三年報最風原古
數月循良化已先俗美方知無馬害庭閒祇見有魚懸
我今莫漫酬驪唱且咏甘棠蔽蒂篇

張翊清

號芭洲鄭邑庠生

清清堂

署丙舊有未邑侯張穎有清德名之

上吏來清境外傳聞節自貞

花羨河陽三月滿琴聽單父一庭鳴仙鳧飛鳥風懷舊

謂王喬

害馬空羣法尚精去去武原官莫借驪歌唱出古

文溪廣頌卷二

七

句城

葉培仁

定海人

口碑嘖嘖傳鄰邑豈獨慈湖光景新盡向下風呼衆母
信知上治出詞臣十寒方遇趙衰日一月莫忘明道春
我亦受屢懷故里敢辭作誦愧風人

葉培元

定海人

飛來鳧鳥自神京旋聽新歌變舊聲杜母羊公檣吏績
葵傾芹獻証同情一年那得寇君借三月纔聞魯治行
我願近封盡廉吏冰心交映玉壺清

葉蘭芬

字春曉號蕙田

出宰宜猷鎮一方最難輿論播循良榮分視草聲名遠
績奏治蒲姓氏香習弊更張除猛虎苞苴勿事敢貪狼
太原華胄神仙吏孝水千秋美媿房

三年擬望奏功成無那驪歌又促行下邑何緣瞻保障
使君真不愧登瀛棠陰蔽芾留遺愛黍雨沾濡樹遠聲
却羨武原慶多福一琴一鶴頌廉平

文溪廣頌卷二

